



Wie Chriemhilt ir man klagte.

XVII. Auenture.

D

o erbitten si der nahte. vnt foren ober Rin.
von heleden chunde nimmer. wirs geiaget sin.
ein tyer das si da slugen. daz weinten edeliv kint.
ia muosin sin engelten. vil gote wigande sint.

Von grozer vbermuete. mozt ir nu horen sagn.
vnt von starcker rache. do hiez Hagen tragn.
Sivride den herren. von Nibelunge lant.
for eine kemenaten. da man Chriemhilde vant.

Er hiez in also toten. legn an die tor.
daz si in da solde vinden. so si der gienge for.
hin zer mettine. e' daz ez werde tac.
der div frowe Chriemhilt. deheine selten verlac.

Man lvote da zem munster. nach gewonheit.
do wachte div frowe. vor ir manige meit.
si bat ir balde bringen. licht unt ir gewant.
do chom ein kameräre. da er Sivriden vant.

Er sach in blotes roten. sin wat was elliv naz.
daz ez sin herre wäre. niht enwesser daz.
hin zer kemenaten. daz licht troog an der hant.
von dem vil leider märe. sit vrov Chriemhilt ervant.

Do si mit ir vrowen. zem munster wolde gan.
do sprach der kameräre. ia sult ir stille stan.
ez lit vor dem gademe. ein ritter tot erflagn.
da begunde Chriemhilt. harte unmäzliche klagn.

E' daz si reht erfunde. daz ez wäre ir man.
an die Hagenen vrage. denchen si began.
wier in wolde vristen. do wart ir erste leit.
ir was alle ir freuden. mit sime tode wider seit.

Do seich si zu der erden. daz si niht entsprach.
die schonen freudelosen. ligen man do sach.
der edeln frowen iamer. wart unmazen groz.
do erschre si nach unchrefte. daz al div kemenate erdoz.

Do sprach ir gesunde, was ob ez ist ein gast.
daz bloot ir vzen munde, von hercen iamer brast.
si sprach ez ist Sivrit, der min vil lieber man.
ez hat geraten Prunhilt, daz ez hat Hagene getan.

Div frowe bat sich wisen, da si den rechen vant.
si hvop sin schone hovbet, mit ir wizen hant.
swie rot er was von blvote, si het in schier bechant.
do was missevarwe, des chumen degenes gewant.

Do rief vil iämerliche, div kuniginne milt.
owe mir miner leide, none ist dir din schilt.
mit swerten niht verhowen, do list ermorderot.
vnt wesse ich wer daz tâte, ich riet im immer sinen tot.

Allez ir gesunde, chlagt unt schre,
mit ir vil lieben frowen, wande in was stanche we.
vmbe ir vil edeln herren, den si da heten verlorn.
do het gerochen Hagene, harte Prunhilde zorn.

Do sprach div iamerhafte, man sol hin gan.
† vnt wechen die Sivrides man,
vnt sol och Sigemunde, disiv märe sagen.
ob er mir helfen welle, den herren Sivriden chlagen.

Do lief ein bote balde, da er ligen vant,
die Sivrides helede, von Nibelunge lant.
mit disen leiden mären, wachter manigen man.
die sprungen ane sinne, vil balde von ir betten dan.

Ouch kom der bote schiere, da der kunic lac.
Sigemunt der herre, des slafes niht enpfac.
ich wän sin herce im sagete, daz im da was geschehn.
ern mohte sinen lieben soon, lebnden nimmer me gesehn.

Wachet herre Sigemunt. wande ir solt balde gan.
ze Chriemhilt miner frowen. der ist ein leit getan.
daz ir vor allen leiden. an ir herce gat.
daz sult ir klagen helfen. wandes ioch fere bestat.

Vof rihte sich do Sigemunt. er sprach was sint diu leit.
der schonen Chriemhilt. di do mir hast geseit.
der bote sprach mit iamer. si muoz von schulden chlagen.
ia ist von Niderlanden. der chüne Sivrit erslagen.

Do sprach der herre Sigemunt. lat daz schimpfen sin.
vnt also bosiv märe. von dem sone min.
daz ir daz saget iemen. daz er si erslagen.
wande ich en chunde in nimmer. vnz an min ende verklagn.

Vnt welt ir niht gelouben. daz ir mich höret sagn.
ir muogt wol selbe hören. Chriemhilde klagn.
vnt alles ir gesinde. den Sivrides tot.
vil fere erschrach do Sigemunt. des gie im grözliche not.

Mit hundert sinen mannen. er von den betten sprach.
si zochten zu den handen. diu scharpfen wafen lanch.
si liefen zu dem wofe. vil seneliche dan.
do chomen tusint rechen. des chunen Sivrides man.

Do si so iamerliche. die frowen horten chlagen.
do wande sumeliche. si solden chleider tragn.
iane mohten si der sinne. vor leide niht gehabn.
in was vil starchiv swere. in ir hercen begrabn.

Do chom der kunic Sigemunt. da er Chriemhilt vant.
er sprach owe der reise. her inditzce lant.
wer hat mich mines kindes. vnt ioch iwers man.
bi so guoten frunden. vergebne ane getan.

Hen folde ich den bechennen. sprach das edel wip.
holt enwrde im nimmer. min herce vnt oveh der lip.
ich getät im als leide. das die mage sin.
mit iamer mwesen weinen. das wizzet von den schulden min.

Sigemunt mit armen. den fursten umbesloz.
do wart von sinen frivnden. der iamer also gros.
das von dem starchen wose. palas vnt sal.
vnt oveh div stat ze Wormz. von ir weinen erschal.

Done chunde niemen trosten. das Sivrides wip.
man zoch v3 den chleidern. den sinen schonen lip.
den edeln kunich riche. si leiten vf den re.
do was von grozem iamer. sinen luten allen we.

Do sprachen sine rechen. von Nibelunge lant.
in sol immer rechen. mit willen unser hant.
er ist indirre burege. der iz da hat getan.
do ilten nach gewesen. alle Sivrides man.

Die v3 erwelten rechen. mit schilden chomen dar.
einlieff hundert rechen. die het an siner schar.
Sigemunt der herre. den Sivrides tot.
den wolde gerne rechen. des gie im wärliche not.

Sine wessen wen si solden. mit strite bestan.
sine tätenz Gunther. vnt sine man.
mit den der herre Sivrit. an das geiägede reit.
Chriemhilt si sach gewafent. do waf ir grosliche leit.

Swie starch ir iamer wäre. vnt swie gros ir not.
do vorhte si so sere. der Nibelunge tot.
von Gunthers mannen. das si ez vnterstunt.
si warnt si güttliche. so frivnt noch liebe frivnde tvont.

Do rief die ianers richte. min her Sigemunt.
wes welt ir beginnen. in enist niht rehte chunt.
ez hat der chunich Gunther. so manigen chunen man.
ir sit verlorn alle. welt ir mit strite si bestan.

Mit vf erburten schilden. ze strite was in not.
Chriemhilt die frowe. bat vnt oech gebot.
daz si miden solden. die rechen vil gemeit.
ob si niht wenden chunde. daz wære ir bedenthalben leit.


Si sprach herre Sigemunt. ir solt iz lazen stan.
vns iz sich baz gefoege. so wil ich minen man.
immer mit ir rechen. der mir in hat benomen.
wirde ich des bewiset. ich sol im schädliche komen.

Ez ist der obermoeten. hie bi Rine vil.
da von ich ir des strites. raten niene wil.
si habent wider einen. ie wol drizzech man.
nw laz in got gelingen. als si an vns gedienet han.

Ir sult hie beliben. vnt dolt mit mir die leit.
so ez tagen beginne. ir helde vil gemeit.
so helfet mir besarchen. den minen lieben man.
do sprachten die degene. daz sol werden getan.

None chuondie niemen. daz wnder wol gesagn.
von rittern vnt frowen. wie man die horte klagn.
do wart man des wofes. inder stete gewar.
vil der burgære. die chomen gahende dar.

Si klagten mit den gesten. wande in was starche leit.
die Siurides schulde. in niemen het geseit.
wa von der edele reche. verlorn den sinen lip.
do weinten mit den frowen. der guten chavflote wip.



Smide hiez man gahen. bewrchen einen sarch.
von edelm märmelsteine. vil michel vnt starch.
man hiez in vaste binden. mit gespenge goot.
do was al den loten. harte trurich der mvot.

Dir naht dir was zergangen. man sagt iz wolde tagen.
do bat dir edele frowe. zu dem munster tragen.
den vil edeln toten. ir vil lieben man.
swaz er da frivnde hete. die sah man weinende gan.

Do man in zem munster brahte. vil der glocken chlang.
man horte von den pfaffen. vil michel gefanc.
do chom der chunic Gunther. mit den sinen man.
mit im der grimme Hagene. zu dem wofe gegang.

Er sprach vil liebiu swester. owe der laide din.
daz wir der starchen leide. niht mohten vber sin.
wir muozen klagn immer. den sinen schonen lip.
daz tvot ir ane schulde. sprach do daz iamerhafte wip.

Wär io dar umbe leide. sone wär es niht geschehn.
ir hetet min vergezen. des mage ich wol nu iehn.
da ich da wart gescheiden. von mine lieben man.
daz wolde got von himele. wär es mir selber getan.

Dir ist von minen loten. leides niht geschehen.
sprach der kunic Gunther. des wil ich dir veriehn.
die wellen sin vnschuldich. die heizet naher gen.
sprach si zu der bare. daz wir die warheit versten.

Daz ist ein michel wnder. vil dicke es noch geschiht.
swa man den mort meilen. bi dem toten siht.
so blotent im die wunden. als ovch da geschach.
da von man die schulde. da ze Hagene gesach.

Die wunden vlyzen fere. also si taten e.
die e' da fere chlageten. des wart nu michel me.
do sprach der kunich Gunther. ich wilz ioch wizen lan.
in slogen schachäre. Hagene hat es niht getan.

Si sprach die selben schach man. sint mir wol bechant.
got laz iz noch errechen. siner fründe hant.
Gunther vnt Hagene. ia habt ir ez getan.
die Siurides rechen. heten do zestrüte wan.

Do sprach aber Chriemhilt. nu dolt mit mir die not.
do chomen dise beide. da si in funden tot.
Gernot ir bruder. vnt Giselher daz kint.
in triwen si in chlageten. mit den andern sint.

Si weinten innekliche. den Chriemhilde man.
man solde messe singin. zu dem munster dan.
giengen allenthalben. man. wip. vnt kint.
die sin doch lihte enbaren. die weinten Siuriden sint.

Gernot vnt Giselher. sprachen swester min.
nu troste dich nach tode. als ez doch muoz nu sin.
wir wellens dich ergezen. die wil unt wir gelebn.
done chunde ir trost decheinen. zer werlde niemen gegeben.

Sin sarch der was bereitet. umben mitten tac.
man hob in von der bare. da er vof lac.
noch enwolde si den rechen. lazen niht begraben.
des muosen al die lote. vil michel arebeite habn.

In einen richen pfellel. man den toten want.
ich wäne man da iemen. ane weinen vant.
do chlagete hercenliche. Vote ein edel wip.
vnt alles ir gefinde. den sinen wällichen lip.

Do man daz gehorte. daz man zem munster sanc.
vnt in gefarchet hete. vil groz wart der gedranc.
durch willen siner fele. waz opfers man do truoch.
er hete bi den vinden. gvoter frivnde doch genvoch.

Do man da gote gediente. daz volch hvop sich von dan.
do sprach div kuniginne. irn solt niht eine lan.
mich hinte bewachen. den vnz erwelten degn.
ez ist an sine libe. al min frevde gelegn.

Dri tage vnt dri nahte. wil ich in lazen stan.
vnz ich mich wol geniete. mins vil lieben man.
waz ob daz got gebivtet. daz mich ovch nimt der tot.
so wære wol verendet. min armer Chriemhilde not.

Zen herbergen giengen. die lote von der stat.
pfaffen vnt mveniche. si beliben bat.
vnt alles sin gesunde. daz sin von rehte pflac.
si heten naht vil arge. vnt ovch vil mvlichen tac.

Ane ezzen vnt ane trinchen. beleip da manie man.
die ez nemen wolden. den wart daz chunt getan.
man gabes in den vollen. daz schvof Sigemunt.
do was den Nibelungen. michel arebeiten chunt.

Die drie tagedite. so wir horn sagn.
di da singen chunden. da si mosn tragen.
vil michel arebeite. durch ir hercen ser.
si baten vmbe die fele. des rechen chvnen und her.

Urbor vf der erden. div teiltes indiv lant.
swa so man div chloster. vnt gote lote vant.
ovch hiez si gebn den armen. der sinen habe genvoch.
si tet dem wol geliche. daz si im holden willen trvoch.

An dem dritten morgen, ze rechter messe zit,
so was bi dem munster, der chirchof also wit,
von den lant loten, weinens harte vol,
si dienten im nach tode, als man lieben frivnden sol.

In den tagen vieren, ist uns gesagt daz,
ze drizzech tusint marchen, oder dannoch baz,
wart durch sine sele, den armen da gegeben,
do was gelegn ringe, sin groziv schone, vnt ovch sin lebn.

Do gote wart da gedienet, vnt daz man da gesanch,
mit vngefugem leide, vil des volches ranch,
man hiez in v; dem munster, zu dem grabe tragn,
die sin doch liht enbaren, die sah man weinen vnt klagn.

Vil lvote schriende, daz volch gie mit im dan,
vro enwas da niemen, weder wip noch man,
e' er begrabn wrde, man sanch unt las,
hey was der wifen pfaffen, bi finer bivilde was.

E' daz zem grabe chome, daz Sivrides wip,
do ranch mit solhem iamer, der ir getriwer lip,
daz man si mit wazzer, vil dicke da begoz,
ez was ir ungemvete, hart vnmazlich groz.

E; was ein michel wnder, daz si ie genas,
mit klage ir helfende, vil manic frowe was,
do sprach die kuniginne, ir Sivrides man,
ir sult durch iwer triwe, dise genade an mir began.

Lat mir nach mine leide, daz chleine liep geschehn,
daz ich sin schone hovbt, noch eines moze sehn,
do bat sis also lange, mit iamers siten storch,
daz man wider of brechen, moose den herlichen sarch.

Do brahte man die frowen. da si in ligen vant.
si hoop sin schone hoozet. mit ir wizen hant.
do chustes also toten. den edeln ritter goot.
ir vil liechten ovgen. vor leide weinten do blvot.

Ein iamerlichez scheiden. wart do da getan.
man trooch die frowen dannen. sine mohte niht gegan.
do lac in unsinne. daz herliche wip.
vor leide moht ersterben. der ir vil winnekliche lip.

Do man den edeln herren. hete nu begrabn.
leit ane mase. sah man die alle habn.
die mit im chomen waren. von Nibelunge lant.
vil selten wol gemoten. man do Sigemunden vant.

Do was der etelicher. der drier tage lanc.
vor dem starchen leide. niht az noch entranch.
doch enmohten si dem libe. so gar gefwichen niht.
si nerten sich nach iamer. so noch genvogen geschiht.

Chriemhilt unversunnen. in vnchresten lac.
den tac unt den abent. vnz an den andern tac.
swaz iemen sprechen chonde. daz was ir gar vnchunt.
inden selben noten. lage ovch der kunich Sigemunt.

Vil chume wart der herre. wider zefinnen braht.
von dem starchen leide. chranch was gar sin maht.
daz enwas niht wnder. do sprachen sine man.
herre ir sult zelande. wir mugen niht langer hie bestan.